



F E G L D' I N F U R M A Z I U N

Brischar ruments dal gaud, dal funs e da l'iert

Survista:

- | | | |
|---|---|---|
| 1 | La dismessa da rument verd è sulettamain permessa sut premissas fitg restrictivas | 1 |
| 2 | Co ston ins proceder? | 2 |
| 3 | Alternativas tar il brischar ruments verds | 3 |
| 4 | Denunzia sche ruments verds vegnan brischads illegalmain | 3 |
| 5 | Ulteriuras infurmaziuns | 4 |

Fieus averts per brischar ruments verds dal gaud, dal champ e da l'iert dattan adina puspè motivs per reclamaziuns. Effectivamain engrevgeschan tals fieus considerablamain l'aria pura, cunquai ch'i resultan grondas quantitats da pulvra fina. Ultra da quai exista er il privel d'incendis da gaud e da pastira.



1 La dismessa da rument verd è sulettamain permessa sut premissas fitg restrictivas

Tenor l'art. 26a da l'ordinaziun federala per mantegnair l'aria pura (OAP) èsi generalmain scumandà da brischar ruments en il liber. Igl è sulettamain permess da brischar ruments verds, sch'i resulta pauc fim. Ina tala dismessa senza fim è sulettamain garantida, sch'il material è sitg. En quest cas exista in tschert privel d'incendis da gaud e da pastgira. Ultra da quai na po in tschert grad da fim, ed uschia da pulvra fina, mai vegnir evità.

2 Co ston ins proceder?

Ina instanza per la permissiun da fieus en il liber na datti betg. Mintga singula e mintga singul è dumandà da surpigliar sia responsabladad. Ils uffizis cumpetents dal chantun interpreteschan las disposiziuns da l'ordinaziun per mantegnair l'aria pura (OAP) sco suonda:

Fieus averts per brischar ruments dal gaud, dal funs e da l'iert èn sulettamein permess, sch'igl è absolutamain necessari da dismetter il material e sch'igl è collià cun ina stenta exagerada da deponer e da laschar smarschir ils ruments en moda ordinada.

Concretamain signifitgescha quai:

- ch'i sto vegnir tralaschà da brischar ruments verds en il territori d'abitadi ed en il territori agricul avert.
- da laschar smarschir las restanzas da las plantas tagliadas en il gaud.

Perencunter dastgan ins brischar excepziunalmain:

- sche mesiras spezialas cunter parasits èn necessarias (fitosanitàd, p.ex. mal nair, baus scorsa) u sche curs da l'ual ston vegnir tegnids liber per impedir stagnaziuns da laina restanta/material da roma.
- tar la cultivaziun da surfatschas avertas inaccessibleas, strusch charrablas (pastgiras, pradas, spazis da viver spezialas) ed sch'il transport è sproporziunà (3-5 km per in viadi).

Sch'ins sto excepziunalmain envidar in fieu, ston vegnir resguardadas las suandantas reglas:

- Damanaivel da substanzas inflammablas ed explosivas, tar privel d'incendi da gaud, tar situaziuns d'inversiun e tar vent ferm èsi generalmain scumandà da far fieu.
- Per far fieu ston ins utilizar laina sitga.
- Acceleraders da fieu sco benzin, ieli vegl u pneus èn scumandads.
- Laschar brischar svelto ils fieus en il gaud tar ina chalur uschè gronda sco pussaivla. Mintga fuaina sto vegnir survegliada fin ch'ella è stizzada cumpletamain.
- Laschar setgar laina da gaud betg infestada, e quai en moda sternida, avant che brischar.
- Evitar plunas da roma brasclantas che fan bler fim, perquai che fitg bleras substanzas nuschaivlas vegnan emessas tras quai.
- Tegnair avunda distanza tar las plantas dal conturn.
- Betg envidar fieus sin spundas pervi dal privel che material che arda pudess glischnar.
- En naging cas envidar plunas da roma existentas, uschiglio vegnan destruids spazis da viver e lur abitants.

Infurmaziun: Il fieu na dastga betg vegnir abusà per dismetter rument da tut gener.

Tar **mesiras forestalas** sto in eventual fieu vegnir coordinà avant cun il servetsch forestal chantunal da la regiun.

Tar **mesiras agriculas** ston ins infurmar avant ils pumpiers locals. En cumplettaziun tar las reglas qua survart ston ins guardar ch'i vegnia cumenzà cun in pitschen fiu cun gronda chalur sch'i vegn brischà sin surfatschas avertas. Il material da rumida vegn mess vitiers cuntinuadamain. Il fiu sto adina vegnir tegnì cumpact cun ina furtga. Uschia vegn cuntanschì ch'i brischa svelt e cun uschè pauc fim sco pussaivel.

Infurmaziun: Material da rumida che resulta da la rumida da surfatschas avertas u dad ierts na dastga betg vegni deposità en il gaud u a l'ur dal gaud. Tar la recuperaziun da cultiras e da pastgiras creschidas en e duai la moda da dismetter il material vegnir fixada sin il formular da dumonda. Quest formular vegn cuntrasegnà da la selvicultura u dal selvicultur da revier e tramess al UAMM per la permissiun.

3 Alternativas tar il brischar ruments verds

Ruments dad ierts duain sche pussaivel vegnir cumpostads decentralmain. Il material po er vegnir dà al servetsch communal da rument verd u vegnir surdà ad ina piazza da cumpost centrala – dentant betg insanua en il gaud!

Ruments verds da l'agricultura e da l'orticultura. Ruments verds da l'agricultura (tagl da saivs vivas e da plantas) pon per part vegnir utilisads energeticamain, e quai en furma lunga u sco manizzim. Per quantitads pli pitschnas (a partir da 2 t) è er pussaivla l'utilisaziun energetica tar la teGRa a Domat.

Erva tagliada tar la tgira da saivs vivas po er vegnir deponida en il territori da la saiv viva sezza, en furma manizzata u en furma da mantuns da roma. Or da vista da la scienza natirala porschan quests mantuns ritgs spazis da viver per animals.

Restanzas da plantas tagliadas or dal gaud:

Restanzas da plantas tagliadas sternidas u rimnadas en mantuns furman spazis da viver per insects, per reptils, per utschels e per mammals pitschens. Per detagls vesair il fegl d'infurmaziun per la pratica, nr. 30 "rumida dal tagl" dal WSL, 1998.

4 Denunzia sche ruments verds vegnan brischads illegalmain

En cas da surpassaments dal scumond da dismetter rument vegnan ils posts da servetsch chantunals, sa basond sin la legislaziun davart la protecziun da l'ambient, ad inoltrar ina denunzia penala tar l'autorità cumpetenta. En cas d'ina cuntravenziun cunter il scumond da brischar rument na pon ins betg sa proteger cunter ina denunzia, er sch'ins annunzia l'emprim il fiu a la polizia u als pumpiers locals.

5 Ulteriuras infurmaziuns

Fegls d'infurmaziun per brischar ruments verds en moda averta èn disponibels sin la pagina d'internet dal UNA (www.umwelt-gr.ch) u pon vegnir retratgs gratuitamain (fin che la provisiun tanscha) tar il UNA (tel. 081 257 29 46).


Uffizi d'agricultura,
meglieraziun da structura e
mesiraziun dal Grischun

Il schef:



Uffizi per la natira e
l'ambient dal Grischun

Il manader da l'uffizi:



Uffizi forestal dal Grischun

L' inspectur forestal chantunal:

